

**Broj: 07-02-1592-29/25/09**

**01-07-1311-37/09**

**01-07-198-22/10**

**Mostar, 11.03.2010. godine**

Na osnovu člana 12. stava (1) i člana 14. stava (1) Statuta Regulatorne komisije za električnu energiju u Federaciji Bosne i Hercegovine (Službene novine Federacije BiH broj 13/04), člana 31. stava (2), člana 37. stava (5) i člana 53. stava (2) Poslovnika o radu Regulatorne komisije za električnu energiju u Federaciji Bosne i Hercegovine (Službene novine Federacije BiH broj 59/04), te člana 36. stava (6), člana 46. stava (3), člana 48. stava (1) i člana 49. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine (Službene novine Federacije BiH broj 37/05), te Odluke o provođenju četvrtog tarifnog postupka broj 01-07-1311-02/09 od 05.11.2009. godine, Odluke o provođenju trećeg tarifnog postupka broj 07-02-1592-07/25/09 od 24.02.2010. godine i Odluke o planu aktivnosti na provođenju postupaka formalnih rasprava tokom trećeg i četvrtog tarifnog postupka broj 07-02-1592-08/25/09, broj 01-07-1311-16/09 i broj 01-07-198-03/10 od 24.2.2010. godine, rješavajući po Zahtjevu za sticanje statusa umješača koji je u FERK primljen 09.03.2010. godine pod brojem 07-02-1592-17/25/09, brojem 01-07-1311-25/09 i brojem 01-07-198-11/10, podnositelja B.S.I. d.o.o. Jajce, Regulatorna komisija za električnu energiju u Federaciji Bosne i Hercegovine – FERK je, na III redovnoj sjednici, održanoj u Mostaru dana 11.03.2010. godine, donijela slijedeći

## ZAKLJUČAK

- I. Odobrava se Zahtjev B.S.I. d.o.o. Jajce za sticanje statusa umješača i to u postupku formalne rasprave po Zahtjevu za odobrenje tarifa za djelatnost proizvodnje električne energije koji je u FERK primljen 23.12.2009. godine pod brojem 07-02-1592/25/09, zatim u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te u postupku formalne rasprave o tarifnim stavovima u dijelu po prijedlogu tarifnih stavova za nekvalifikovane (tarifne) kupce Javnog poduzeća „Elektroprivreda Hrvatske zajednice Herceg Bosne“ dioničko društvo Mostar,
- II. Odbija se Zahtjev B.S.I. d.o.o. Jajce za sticanje statusa umješača koji se odnosi na postupak formalne rasprave o tarifnim stavovima u dijelu koji se odnosi za korisnike distributivnog sistema Javnog poduzeća „Elektroprivreda Hrvatske zajednice Herceg Bosne“ dioničko društvo Mostar.
- III. Umješaču iz tačke I. ovog zaključka dozvoljeno je učestvovati u postupku formalne rasprave, iznositi dokaze, primjedbe i argumente i pridržavati se postavljenih rokova. Voditelj postupka može ograničiti učestvovanje umješača, u slučajevima kada je to u cilju efikasnog vođenja rasprave. Umješač ima i druga prava i obaveze u skladu sa odredbama Poslovnika o radu FERK-a i Pravilnika o javnim raspravama i rješavanju zahtjeva i žalbi FERK-a.
- IV. Ovaj zaključak je konačan i stupa na snagu danom donošenja, te se objavljuje na oglasnoj tabli i web stranici FERK-a.

Regulatorna komisija za električnu energiju u Federaciji Bosne i Hercegovine – FERK

Blažburških žrtava 33, 88000 Mostar

Tel. /036/ 44 99 00, /036/ 44 99 01; Fax: /036/ 333-507, /036/ 333-508

[kontakt@ferk.ba](mailto:kontakt@ferk.ba) [www.ferk.ba](http://www.ferk.ba)

## Образложење

Član 53. stav (2) Poslovnika o radu FERK-a propisuje da FERK može dodijeliti status umješača licu koje dokaže direktan interes za tarifni postupak, koji je različit općem javnom interesu, te da je umješaču omogućeno učestvovati u postupku, svjedočiti i zahtjevati informacije putem člana FERK-a ili voditelja postupka formalne rasprave. U skladu sa članom 46. stavom (3) Pravilnika o javnim raspravama i rješavanju zahtjeva i žalbi FERK-a, kriterije za utvrđivanje prava i statusa umješača FERK određuje za svaki konkretan slučaj posebno, zavisno o okolnostima slučaja. Članom 48. stavom (1) istog Pravilnika propisano je da FERK o zahtjevu za priznanje statusa umješača odlučuje u roku od 15 dana od dana prijema zahtjeva u FERK. Članom 36. stavom (6) i članom 49. istog pravilnika propisan je način na koji umješač dostavlja svoje podneske i na koji je način ovlašten učestvovati u raspravi.

Odlukom FERK-a o planu aktivnosti na provođenju postupaka formalnih rasprava tokom trećeg i četvrtog tarifnog postupka broj 07-02-1592-08/25/09, broj 01-07-1311-16/09 i broj 01-07-198-03/10 od 24.02.2010. godine određeno je da status umješača u formalnoj raspravi može steći pravno ili fizičko lice pod uslovom da blagovremeno podnese zahtjev za sticanje statusa umješača i da ispunjava kriterije: da ima direktan interes u postupku radi odobrenja tarifa za djelatnost proizvodnje električne energije i/ili u postupku radi odobrenja tarifa za djelatnost distribucije električne energije i/ili u postupku radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca i/ili po prijedlogu tarifnih stavova u vezi s kojim podnosi zahtjev za sticanje statusa umješača, a koji je različit od općeg javnog interesa i da raspolaže podacima i činjenicama od važnosti za formalnu raspravu u trećem i/ili četvrtom tarifnom postupku koji se vodi pred FERK-om. FERK je putem Obavještenja za javnost o provođenju trećeg i četvrtog tarifnog postupka za JP „Elektroprivreda HZ HB“ d.d. Mostar i održavanju formalnih rasprava, objavljenom u Dnevnom listu i Oslobođenju dana 25.02.2010. godine, te objavljenom na oglasnoj tabli i na web stranici FERK-a, odredio da se zahtjev za sticanje statusa umješača podnosi FERK-u do 09.03.2010. godine do 12:00 sati.

Dana 09.03.2010. godine, B.S.I. d.o.o. Jajce podnio je Zahtjev za sticanje statusa umješača u postupcima formalnih rasprava, koji je u FERK primljen pod brojem 07-02-1592-17/25/09, brojem 01-07-1311-25/09 i brojem 01-07-198-11/10, a kojim je podnosilac zatražio sticanje statusa umješača i to u postupku formalne rasprave po Zahtjevu za odobrenje tarifa za djelatnost proizvodnje električne energije broj 07-02-1592/25/09 od 23.12.2009. godine, zatim u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te u postupku formalne rasprave o tarifnim stavovima JP „Elektroprivrede HZ HB“ d.d. Mostar.

U zahtjevu za sticanje statusa umješača, podnosilac je naveo da je isti kupac električne energije koji spada u kategoriju tzv. „velikih potrošača“ kod kojih udio troškova električne energije u gotovom proizvodu prelazi 50%, pri čemu svaka promjena cijene električne energije direktno utiče na održivost cjelokupne proizvodnje.

Rješavajući po Zahtjevu za sticanje statusa umješača podnosioca u postupku formalne rasprave po Zahtjevu za odobrenje tarifa za djelatnost proizvodnje električne energije broj 07-02-1592/25/09 od 23.12.2009. godine, u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te u postupku formalne rasprave o tarifnim stavovima JP „Elektroprivrede HZ HB“ d.d. Mostar, utvrđeno je da po podacima, kojima FERK raspolaže, podnosilac predstavlja kupca električne energije koji se u 2010. godini jednim dijelom snabdijeva kao nekvalifikovani (tarifni) kupac JP „Elektroprivrede HZ HB“ d.d. Mostar, te da troškovi nabavke, proizvodnje i snabdijevanja električnom energijom, odnosno tarifni stavovi za prodaju električne energije nekvalifikovanim (tarifnim) kupcima direktno utiču na njegovo poslovanje. Utvrđeno je i da je po podacima kojima FERK raspolaže, podnosilac jedan od većih kupaca električne energije kojeg snabdijeva (u onom dijelu koliko se snabdijeva kao nekvalifikovani (tarifni) kupac električne energije) JP „Elektroprivreda HZ HB“ d.d. Mostar, kao i da je Rješenjem FERK-a broj 07-02-791-06/17/06 od 03.10.2006. godine podnosilac zahtjeva stekao status kvalifikovanog kupca električne energije. Međutim, utvrđeno je da na poslovanje podnosioca zahtjeva, kao kupca na 110 kV i više naponu, koji je priključen na prenosnu mrežu ne mogu uticati tarifni stavovi za korisnike distributivnog sistema.

Budući da je podnosilac dokazao postojanje direktnog interesa za učestvovanje u postupku formalne rasprave po podnesenom Zahtjevu za odobrenje tarifa za djelatnost proizvodnje električne energije broj 07-02-1592/25/09 od 23.12.2009. godine, u postupku formalne rasprave pokrenutom na inicijativu FERK-a, a radi utvrđivanja tarifa za djelatnost snabdijevanja električnom energijom I. reda, uključujući i trošak nabavke električne energije za potrebe nekvalifikovanih (tarifnih) kupaca, te u postupku formalne rasprave o tarifnim stavovima u dijelu po prijedlogu tarifnih stavova za nekvalifikovane (tarifne) kupce JP „Elektroprivrede HZ HB“ d.d. Mostar, te da raspolaže podacima i činjenicama od važnosti za ove formalne rasprave, odlučeno je kao u tački I. dispozitiva ovog zaključka. Međutim, kako podnosilac nije dokazao postojanje direktnog interesa za učestvovanje u postupku formalne rasprave o tarifnim stavovima u dijelu koji se odnosi na tarifne stavove za korisnike distributivnog sistema JP „Elektroprivrede HZ HB“ d.d. Mostar, kao ni da raspolaže podacima i činjenicama od važnosti za ovu formalnu raspravu, odlučeno je kao u tački II. dispozitiva ovog zaključka.

#### **POUKA O PRAVNOM LIJEKU:**

Protiv ovog zaključka podnosilac Zahtjeva za sticanje statusa umješača može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primitka zaključka. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**PREDSJEDNIK FERK-a**  
**Zdenko Šimunović s.r.**